

**ЭРҮҮЛ МЭНДИЙН ЧИГЛЭЛЭЭР МЭРГЭЖЛИЙН ҮЙЛ АЖИЛЛАГАА ЭРХЛЭХ
БАЙГУУЛЛАГА БАЙГУУЛАХ ТӨСӨЛ БИЧИХ ЗААВАР**

№	Заалт	Эмнэлэг, эмийн сан, ахуйн шавж, мэргэч устгал халдваргүйтгэлийн үйлчилгээ (АШМУХУ)
1.1	Эрүүл мэндийн асуудал эрхэлсэн төрийн захиргааны төв байгууллагаас баримталж буй тэргүүлэх чиглэлтэй нийцэж буй байдал	Эрүүл мэндийн тухай хуулийн 19.4 дэх хэсэгт заасан “Эрүүл мэндийн чиглэлээр тусгай зөвшөөрөл олгох тэргүүлэх чиглэл”-тэй нийцэж буй эсэхийг дүгнэн бичих
2/ Хүн амын хэрэгцээ, шаардлага		
2.1	Тусгай зөвшөөрөлтэйгөөр үйл ажиллагаа явуулах эрүүл мэндийн байгууллага байгуулах үндэслэл, давуу тал, үр ашгийн тооцоо	Эмнэлэг, эмийн сан, АШМУХУ эрхлэх байгууллага байгуулах үндэслэл, давуу тал, үр ашгийн тооцоог бичихдээ: <ul style="list-style-type: none"> - Тухайн тусламж үйлчилгээг яагаад үзүүлэх болсон шалтгаан, өнөөгийн байдал, эрэлт, хэрэгцээ зэргийг тоон мэдээлэл болон судалгаа, тайлан, мэдээнд /сүүлийн 3-5 жилийн тоон мэдээ/ үндэслэн бичнэ. - Төрөөс эрүүл мэндийн талаар баримталж буй бодлого, хөтөлбөр, тушаал шийдвэртэй хэрхэн уялдаж байна. - Эрүүл мэндийн энэ үйлчилгээг мэргэжлийн төвшинд үзүүлэх чадамжтай эсэхийг тодорхойлон бичсэн байна.
2.2	Төслийг тухайн нутаг дэвсгэрт үйл ажиллагаа явуулж буй ижил төрлийн эрүүл мэндийн байгууллагатай харьцуулсан харьцуулалт, тусгай зөвшөөрөл хүсэгчийн давуу байдал	Харьцуулсан судалгаа, дүгнэлтийг бичихдээ тухайн орон нутаг, дүүрэг, хороонд ижил төрлийн үйлчилгээ эрхэлдэг хэдэн байгууллага байдаг, тэдгээр байгууллагын үйл ажиллагаа, хүний нөөц, тоног төхөөрөмж, тусламж үйлчилгээ, технологи, арга аргачлал, үнэ, удирдлага, зохион байгуулалт, цахимжуулалт, байр, орчин нөхцөлтэй харьцуулахад танай байгууллага ямар давуу, сул талтай болохыг тодорхойлон бичсэн байна. /Өрсөлдөгчийн судалгаа /
2.3	Тусламж үйлчилгээний үйлчлэх хүрээний хүн амын тоонд харьцуулан тооцсон байдал	Статистикийн мэдээллийн нэгдсэн сан дахь хүн амын тоог дүүрэг, хороогоор /зарим тохиолдолд нас, хүйс, ажил эрхлэлт г.м/ тооцон оруулна. /Сүүлийн жилүүдийн тоог оруулан тооцох/
2.4	Ядуу, эмзэг бүлгийн хүн амд хүрч үйлчлэх байдал	Тухайн үйлчилгээ явуулах харьяалах дүүрэг, хорооны ядуу эмзэг, бүлгийн хүн амын тоог тусгах, нийгмийн хариуцлагын хүрээнд эмзэг бүлгийн хүн амд эрүүл мэндийн тусламж, үйлчилгээ үзүүлэх, урьдчилан сэргийлэх, эрүүл амьдралын зөв дадал хэвшилд сургах арга хэмжээг хэрхэн зохион байгуулах талаарх төлөвлөгөөг боловсруулан тусгана.
2.5	Эрүүл мэндийн салбарын өрсөлдөөнд нөлөөлөх байдал	Байгууллагын Алсын хараа, ойрын болон холын зорилгыг тодорхойлж бичих. Тухайн байгууллага нь өөрийн маркетингийн давуу талыг ашиглан тухайн чиглэлийн эрүүл мэндийн бусад байгууллагуудаас хэрхэн ялгарах, давуу тал, өрсөлдөөний үр дүнд ямар үр ашигтай ажиллах, эрүүл мэндийн салбарт ямар шинэчлэлт хийхээр төлөвлөсөн зэргийг тодорхой бичих.
3/ Санхүү, эдийн засгийн үндэслэл		
3.1	Төсөл хэрэгжүүлэхэд шаардагдах санхүүжилтийн дүн, санхүүжилт хийгдэх хугацаа, санхүүжилтийн эх үүсвэр	Төслийг хэрэгжүүлэх санхүүжилтийн эх үүсвэр, орлого, зарлага, ашгийн тооцооллыг жилээр, 3 жилээр тооцон боловсруулсан байх;
3.2	Төслийн орлого, өртгийн төсөөлөл, түүнтэй уялдуулсан үйлчлүүлэгчээс авах үйлчилгээний төлбөрийн төсөөлөл	Үйлчлүүлэгчээс авах төлбөрийн хэмжээнд нөлөөлж болох эрсдэлт хүчин зүйлийг тогтоож, түүнийг бууруулах чиглэлээр хийх зохицуулалт, арга хэмжээг төлөвлөж бичих /Тухайлбал өөрийн байр, олон жилийн худалдан

		авах гэрээ, үнийн тогтвортой байдлыг хангасан зэрэг нь төлбөрийн хэмжээг нэмэхгүй байх боломжийг бий болгоно гэх мэтээр өөрийн онцлог байдлыг тусган дүгнэж бичих/
3.3	Төсөл хэрэгжүүлснээр байгууллагын үйл ажиллагааг эхлүүлэх, бүрэн хүчин чадлаараа тогтвортой ажиллах нөхцөлд үйлчлүүлэх хүн амын тооны төсөөлөл, нэг эрүүл мэндийн ажилтанд ногдох үйлчлүүлэгчийн тоо, үйлчилгээний зардал, төлбөрийн хэмжээ, бүтээгдэхүүний борлуулалтын үнэ, төсвийг гурван жилээр тооцсон санхүүгийн тооцоолол	Байгууллагын үйл ажиллагааг эхлүүлэх, цаашид бүрэн хүчин чадлаараа тогтвортой ажиллах хүртэлх үйлчлүүлэгчдийн тоон төлөв байдал, нэг эрүүл мэндийн ажилтанд ногдох үйлчлүүлэгч, үйлчилгээний зардал, урсгал болон тогтмол зардал, төлбөрийн хэмжээ, бүтээгдэхүүний борлуулалтын үнэ зэргийг гурван жилээр тооцсон санхүүгийн тооцооны танилцуулга гаргах
4/ Тусламж, үйлчилгээний стандартыг хангасан байдлын дүн шинжилгээ		
4.1	Монгол улсын болон Олон улсын стандарт, удирдамж, дүрэм, журамд нийцүүлэн тодорхойлсон өөрийн байгууллагын үйл ажиллагааны төрөл, мэдээлэл	Тусламж, үйлчилгээнд ямар стандарт, удирдамж, эмнэл зүйн заавар, удирдамж, хөтөч, хяналтын хуудсыг мөрдөж ажиллах талаар тусгана.
4.2	Тусламж үйлчилгээнд ашиглагдах техник тоног, төхөөрөмжийн жагсаалт, түүний техникийн үзүүлэлт, хүчин чадал, Монгол улсын болон Олон улсын стандартад нийцсэн байдал	Тусламж үйлчилгээнд ашиглагдах техник тоног төхөөрөмжийн хангамж, чанарын баталгаажилт нь тухай эрхлэх үйл ажиллагааны стандарт, эмнэлзүйн удирдамж, зааврыг хэрэгжүүлэхэд шаардлага хангаж буй талаар тусгана. Техник тоног, төхөөрөмжийн зураг оруулж, жагсаалтыг Эрүүл мэндийн сайдын 2023 оны 100 дугаар тушаалын 4 дүгээр хавсралтын дагуу гаргана.
4.3	Байгууллагын удирдлага болон хүний нөөцийн мэргэшсэн байдал	Олон улсын болон өөрийн оронд амжилттай хэрэгжиж буй удирдлага, зохион байгуулалт, тусламж үйлчилгээний шинэ, шинэлэг арга аргачлал, технологи, инноваци, ур чадварын шилдэг арга барилыг нутагшуулах, хөгжүүлэх; <ul style="list-style-type: none"> - Олон улсын чанарын удирдлагын тогтолцоог нэвтрүүлэх / ISO/ - Эмийн сангийн төрөлжсөн үйлчилгээний шинэ арга хэлбэр, олон улсын туршлагыг нэвтрүүлж буй байдал; - Удирдлага, зохион байгуулалтын давуу тал, манлайлал, санаачлага; Хүний нөөцийн хөгжлийн төлөвлөлтийг хэрхэн хийхээр төлөвлөж байгаагаа дүгнэж тусгана. Эрүүл мэндийн байгууллагыг үүсгэн байгуулагчийн танилцуулгыг Эрүүл мэндийн сайдын 2023 оны 100 дугаар тушаалын 1 дүгээр хавсралт, эрүүл мэндийн ажилтны мэдээллийг 2, 3 дугаар хавсралтын дагуу тус тус гаргаж, иргэний үнэмлэх, мэргэжлийн диплом, мэргэжлийн үйл ажиллагаа эрхлэх зөвшөөрөл, хөдөлмөрийн гэрээний хуулбарыг хавсаргасан байна.
4.4	Эрүүл мэндийг дэмжих үйл ажиллагаа болон тусгай хог хаягдал, ариутгал, халдваргүйтэл, тоног төхөөрөмжийн засвар үйлчилгээтэй холбоотой үйл ажиллагааны төлөвлөгөө	<ul style="list-style-type: none"> - Эрүүл мэндийг дэмжих үйл ажиллагааны талаар тухайн үйл ажиллагаа эрхлэх чиглэлээр бодлогын баримт бичигт хэрхэн туссан талаар дүн шинжилгээ хийж бичих /Зөвхөн өөрийн үйл ажиллагаанд холбоотой бодлогын баримт бичигт дүн шинжилгээ хийнэ үү/ - Тусгай хог хаягдал, ариутгал, халдваргүйтэл, тоног төхөөрөмжийн засвар үйлчилгээг явуулахтай холбоотой үйл ажиллагааны төлөвлөгөөг гаргаж, хамтран ажиллах байгууллагын талаар дурдаж оруулах
4.5	Барилга байгууламжийн зураг төсөл	Тухайн эрхлэх үйл ажиллагааны төрөлд холбогдох

		стандартын шаардлага хангасан барилга байгууламжийн гадаад бодит зураг болон дотоод схем, план зургийг талбайн хэмжээний хамт гаргана.
	Бүрэн тусгасан оноо	
	Дутуу тусгасан оноо /оновчтой бус/	
	Огт тусгаагүй оноо	
	Нийт 14 үзүүлэлтийн нийлбэр оноо Шаардлага хангасан эсэх	

Жич: Энэ зааврын дагуу 1-5 оноогоор төслийг дүгнэнэ. Нийт 14 үзүүлэлтийн нийлбэр 70 оноо нь 100% болох ба 80% -иас дээш оноо авсан тохиолдолд шаардлага хангасан гэж үзнэ.